

КОРХОНАДА ИННОВАЦИОН ЖАРАЁНЛАРНИ МОЛИЯЛАШТИРИШНИНГ ЎЗИГА ХОС ЖИҲАТЛАРИ

PhD Обилов Миркомил Рашидович

Жиззах политехника институти доценти

Абдувохидов Акмал Абдулазизович

доцент

Гулистон давлат университети

E-mail: akash7509@rambler.ru

Аннотация. Мамлакатимизда инновацион фаолиятнинг жадал ривожланишини таъминлаш, мавжуд инновацион салоҳиятдан самарали фойдаланиш, иқтисодиёт тармоқлариiga замонавий инновацион технологияларни жорий этиш билан боғлиқ бўлган масалалар долзарблигича қолмоқда. Шундан келиб чиққан ҳолда, мазкур мақолада корхоналарда инновацион жараёнларни молиялаштириш масалалари ёритилган.

Калит сўзлар: инновация, инновацион иқтисодиёт, инвестицион лойиҳа, инновацияларни тижоратлаштириш, инновацияларни молиялаштириш.

SPECIFIC ASPECTS OF FINANCING INNOVATIVE PROCESSES AT THE ENTERPRISE

PhD Obilov Mirkomil Rashidovich

associate professor of Jizzakh Polytechnic Institute

assistant professor Abduokhidov Akmal Abdulazizovich

Gulliston State university

E-mail: akash7509@rambler.ru

Abstract: Issues related to ensuring the rapid development of innovative activity in our country, the effective use of the existing innovative potential, the introduction of modern innovative technologies in the sectors of the economy remain relevant. Based on this, this article covers the issues of financing innovative processes in enterprises.

Keywords: innovation, innovation economy, investment project, commercialization of innovations, financing of innovations.

Бугунги кунда инвестиция лойиҳаларининг молиявий-иктисодий самарадорлигини баҳолашда хориж тажрибаси, шу билан бирга ЮНИДО томонидан ишлаб чиқилган услугга мувоғик, замонавий баҳолаш усулларидан кенг фойдаланилади. Ривожланган давлатлар тажрибаси ва ЮНИДОнинг тавсияларини ҳисобга олган ҳолда инвестиция лойиҳаларининг самарадорлигини баҳолаш икки мезон асосида амалга оширилади. Булар, молиявий ва иқтисодий баҳолаш мезонлариdir.

Инновацион фаолиятни молиялаштиришнинг оқилона тизимини яратиш орқали молиявий ресурсларни жамлаш ва уларни инновацион жараёнларнинг устувор соҳаларига йўналтириш имкониятлари пайдо бўлади.

Инновацион фаолиятни молиялаштириш-янги турдаги маҳсулотларни ишлаб чиқариш жараёнини лойиҳалаштириш, тадқиқ этиш ва ташкил қилиш, ишланмалар ва ташкилий жараёнларни, янги турдаги техника ва технологияларни, иш ва хизматларни, шунингдек, бошқарувнинг янги шакл ва услубларини яратиш ва жорий этишга йўналтирилган пул маблағларидан фойдаланишдир.

Инвестицияларни молиялаштиришнинг энг ишончли манбаси бу ўз маблағлари ҳисобланади. Ҳар қандай тижорат ташкилоти доимо инвестицияларни ўз ҳисобидан молиялаштиришга интилади. Бу ҳолатда

молиялаштириш манбаларини қаердан олиш керак деган муаммо вужудга келмайды ва унинг банкротлик хавф-хатари (риски) камаяди.

Хусусан ўз-ўзини молиялаштириш корхонани ривожланганлиги ва унинг яхши молиявий ҳолатини билдиради ва яна рақобатчилардан маълум бир устунликка эга бўлади, бошқа корхоналарда бундай имконят бўлмаслиги мумкин. Ҳар қандай тижорат ташкилотининг асосий ўз-ўзини молиялаштириш манбай бу, асосан, соф фойда ва амортизация ажратмаси хисобланади. Яна шуни таъкидлаш лозимки, агар корхонанинг техник ривожланиш даражаси паст бўлиб, бу корхонанинг рақобатбардош маҳсулот ишлаб чиқаришга тўсқинлик қилиб, корхонани банкротликка олиб келса, бундай ҳолда, фойдани корхонани ривожлантириш учун йўналтириш лозим.

Инвестицион лойиҳани молиялаштиришнинг қарзга олинган манбай бўлиб банк кредитлари, ипотека ссудалари, сугурта компанияларидан олинган қарзлар ёки бюджетдан ташқари фондлардан олинган кредитлар хисобланади.

Ушбу молиялаштириш манбалари маълум муддатга қайтариш ва тўловлилиқ шартли асосида берилади. Инвестицион лойиҳаларни кредит асосида молиялаштиришнинг афзалроқ томони шундаки, фаолият юритаётган корхона учун модернизация, реконструкция ишлари ва керакли меъёрда ишлаб чиқариш қувватини таъминлашда, яъни корхона ишлаб чиқариш фаолиятни кенгайтиromoқчи бўлса, кредитдан фойдалангани маъқул, чунки, ишлаб турган корхона активлари ушбу кредитлар қайтарилишига гаров бўлиб хизмат қилиши мумкин. Узок муддатли кредитларнинг объектив зарурлиги корхонани ишлаб чиқаришини кенгайтириш эҳтиёжидан келиб чиқади. Айнан шу шароитда кредит муносабатларида узок муддатлилик характеристи вужудга келади. Бу қарздорга ўз маблағларини ўз муомаласидан олишга (оборотидан олишга) нисбатан, бир мунча қисқароқ вақтда пул маблағларини олиш имкониятини беради. Капитал қўйилмаларни молиялаштиришнинг кредит усулининг афзаллик томони маблағларни қайтаришлиқ билан боғлиқдир. Бу капитал қўйилмаларни ҳақиқий қопланиши ва кредитни қайтарилишини назоратини кучайтиради. Бу эса ўз-

ўзидан маблағлардан фойдаланиш самарадорлигини оширади. Яхши асосланган лойиҳа учун қарз маблағлари олиш бир мунча осонроқ бўлади. Суда капиталини қўйидагиларга йўналтирилиши мумкин: асбоб-ускуналар харид қилиш, ишлаб чиқаришни кенгайтиришга, модернизация, реконструкция қилиш ва бошқаларга.

Банк томонидан олинадиган фоизлар бериладиган кредитнинг ҳажми, муддати унинг таъминланганлиги, кредитлаш шакли, кредитнинг риск даражаси ва бошқаларга боғлиқ тарзда дифференцияллашади. Ҳозирги вақтда инвесторлар тез қайтим берувчи тадбиркорлик фаолиятига кредитларни жалб қилмоқдалар.

Жаҳон амалиётида инновацион лойиҳаларни ва корхоналарни молиялаштириш усули, ўз хусусиятларига ва инфратузилмасига эга бўлган венчур капитали бозори яратилган. Айнан венчур капитали ғарб мамлакатларида инновацион лойиҳаларни инвестициялаш жараёнидаги, ички манбалар чегаралangan вазиятда ва бошқа ташқи манбалар қўллаш имконияти йўқлигида, илмий янгиликларни молиявий негизи бўлиб хизмат қилди. Венчур капитали ёки венчурли молиялаштириш атамалари инглизча “venture” сўзидан олинган бўлиб “юқори рискли янги корхона, фаолият тури” маъносини англатади. Венчурли корхона деб кичик 3-5та юқори малакали мутахассислардан (олимлар, кашфиётчилар ва менежерлардан) иборат илмий-изланиш корхонаси тушунилади. Венчурли инвестор сифатида ушбу кичик венчур корхонасини акциядорлик капиталига(акцияларни сотиб олиш йўли билан ёки инвестицион кредит бериш орқали) ўз инвестицияларини узоқ муддатга, келажакда юқори даромад олиш мақсадида киритадиган инвесторлар тушунилади. Улар маҳсус венчур фонdlари, йирик корпорациялар, банклар ёки ўз жамғармаларига эга бўлган жисмоний шахслар ҳам бўлиши мумкин. Венчур лойиҳалари асосан юқори технологик тармоқларни ривожлантиришга қаратилган бўлиб (компьютер технологиялари, телекоммуникация ва алоқа соҳалари, био- ва нанотехнологиялар, энергетика, фармацевтика ва бошқа тармоқлар) янги технологияларни, инновацион лойиҳаларни жорий этиш фаолияти сифатида ҳам талқин этилади. Венчурли инвестор ўз маблағларини фонд биржасида акциялари

эркин савдода бўлган корхоналарга эмас, балки барча акциялар маълум юридик ва жисмоний шахслар ўртасида тақсимланган корхоналарга киритишни афзал кўради. Маблағ бегараз ва фоизсиз берилади, ундан ташқари банк кредитлари каби таъминот талаб қилинмайди (таъминот сифатида венчур инвесторнинг қўлида фақат сотиб олинган акциялар бўлади). Берилган маблағлар шартнома муддати тугагунча венчур фирмасидан қайтариб олинмайди. Лойиҳа муваффақиятли бўлган ҳолда компания юқори даромад олади ва уни акционерлар ва инвесторлар ўртасида бўлишади. Олинадиган даромад эса акция даромадининг тақсимоти каби бўлади ва инвесторларнинг улуши 80%гача келишиб олинади. Инвесторларнинг мақсади корхона бошқарувини эгаллаш эмас, шунинг учун акцияларни аксарият қисми кичик корхона раҳбариятида қолади, венчурли инвестор эса ушбу инновацияларни яратиш ва амалиётга татбиқ этиш жараёнида фаол қатнашади ва таъсисчи сифатида фойда улушкини олади. Кейинчалик, инвестиция лойиҳаси амалга оширилгач, инвестор ўзига тегишли акцияларни фонд биржасида ёки корхона раҳбариятига олган нархидан юқорирок нархга сотади(чунки корхонанинг умумий қиймати ушбу даврга қадар ошган бўлади) ва шу тариқа «ўйиндан» чиқади. Венчур молиялаштиришнинг асосий афзаллиги ўртacha даромадлилик даражасининг юқорилиги бўлиб, мамлакат иқтисодиёти бўйича кўриладиган даромаддан 2-3 баробар кўп миқдорни ташкил этади. Масалан, АҚШ иқтисодиёти бўйича 20 асрнинг охирги ўн йиллигига ўртacha даромад даражаси 8% бўлса, венчур компанияларининг даромадлилик даражаси ўртacha 20%ни ташкил этган.

Шундай килиб, инвестиция лойиҳаларини венчур капитали ҳисобига молиялаштиришнинг хусусиятлари куйидагилардан иборат:

- Инвестиция лойиҳасини дастлабки босқичидан бошлаб ноаниқлик ва рисқ даражасини юқорилиги;
- Венчур капитали эгалари фоиз ва таъминот шартларини қўймайдилар ва узоқ муддатга тўғридан-тўғри акциядорлик капиталига инвестициялар киритадилар;

- Инвестициялар юқори илмий-технологик лойиҳаларга киритилиши ва даромадлилигига қараб сармоялар тармоқлараро тақсимланиши.

Умумий қилиб айтганда, инвестиция лойиҳаларини венчур капитал ҳисобига молиялаштириш – бу юқори технологик тармоқлардаги корхоналарнинг оёқга туриши, ривожланиши ва инновацион маҳсулоти билан таънилишини таъминлайдиган инвестициялашни ноанъанавий юқори рискли тури Венчурли молиялаштириш қўллаш оқибатида ривожланган давлатлар бир қанча макроиктисодий ютуқларга эришдилар, хусусан:

- Инвесторлар риск даражаси баландлигига қарамай инвестициялаш тўғрисида қарорлар қабул қилишлари, иқтисодиётда молиявий ресурсларни самарали тақсимланишига олиб келди;
- Янги инновацион корхоналар яратилиши юқори технологик тармоқларни ривожлантиришга, мамлакатни рақобатбардошлигини оширишга замин яратади;
- Янги иш ўринлар яратилиши, айниқса юқори интеллектуал бойлик эгалари янги инновацион соҳаларда салоҳиятларини намоён этишга молиявий имкониятлар барпо этилади;
- Мамлакатда даромадни ўртacha даражаси ўсиши, чунки венчурли молиялаштиришда у нисбатан баланд бўлади ва бошқалар.

Инвестиция лойиҳалари венчур капитали ҳисобига молиялаштириш илмий-тадқиқот ишланмаларнинг тижоратлашувига, яъни инновацион ғоя тайёр инновацион маҳсулотга айланишига молиявий ёрдам беради. Ундан ташқари, илмий-тадқиқот ишланмаларга бўлган талаб венчурли инвесторларга юқори даромад олишга имконият яратиб, давлатга инновацион ривожланиш йўлига ўтишга, илм-техника тараққиёти даражасини оширишга туртки бўлади.

Шундай қилиб, тараққий этган давлатларнинг венчурли молиялаштиришни ташкил этиш борасидаги тажрибаларини умумлаштирган ҳолда, инвестор учун венчурли молиялаштиришнинг қўйидаги авфзалликларини келтириб ўтишимиз мумкин:

1. Яхши молиявий хавфсизлик ёстиқкаси, катта микдордаги инвестицияларни киритиш имконияти;
2. Инвесторлар ва қўйилмалар обьектларини икки томонлама мақбул тарзда диверсификациялаш ҳисобига таваккалчиликни пасайтириш;
3. Таҳлилчилар, экспертлар ва лойиҳа менежерларидан иборат ўз жамоасига эга бўлиш;
4. Объектларни танлаш ва таҳлил қилиш борасида қатъий ишлаб чиқилган тартибилар;
5. Лойиҳани амалга ошириш жараёнларининг қатъий назоратга олингандиги;
6. Фондлар илк муваффақиятсизликни бошидан кечираётган лойиҳаларни ўз ҳолика ташлаб қўймайдилар, имконият даражасида лойиҳани охиригача етказишига ҳаракат қиласидилар.

Инновацион фаолиятни молиялаштиришнинг оқилона тизимини яратиш орқали молиявий ресурсларни жамлаш ва уларни инновацион жараёнларнинг устувор соҳаларига йўналтириш имкониятлари пайдо бўлади.

Инновацион фаолиятни молиялаштириш-янги турдаги маҳсулотларни ишлаб чиқариш жараёнини лойиҳалаштириш, тадқиқ этиш ва ташкил қилиш, ишланмалар ва ташкилий жараёнларни, янги турдаги техника ва технологияларни, иш ва хизматларни, шунингдек, бошқарувнинг янги шакл ва услубларини яратиш ва жорий этишига йўналтирилган пул маблағларидан фойдаланишдир.

ФОЙДАЛАНИЛГАН АДАБИЁТЛАР РЎЙҲАТИ: (REFERENCES)

1. Абдувохидов А. ва бошқ. Инновациялар иқтисодиёти.-Т.: «Мумтоз сўз», 2020.-587 с.
2. Андрейчиков А.В., Андрейчикова О.Н. Системный анализ и синтез стратегических решений в инноватике. Основы стратегического инновационного менеджмента и маркетинга. – М.: Либроком, 2012.– 248 с.

3. Дынкина, А. А. Инновационная экономика / Под ред. А.А. Дынкина, Н.И. Ивановой. - М.: Наука, 2001. - 294с.
4. Нурмухаммидова М. Х. и др. ИҚТИСОДИЙ ИСЛОҲОТЛАРНИНГ ҲОЗИРГИ БОСҚИЧИДА ҚИШЛОҚ ХЎЖАЛИГИНИ БАРҚАРОР РИВОЖЛАНТИРИШ АСОСЛАРИ //TA'LIM VA RIVOJLANISH TAHLILI ONLAYN ILMIY JURNALI. – 2021. – Т. 1. – №. 6. – С. 401-417.
5. Абдувахидов А. А. и др. АГРАР СЕКТОРДА ИННОВАЦИОН ТАДБИРКОРЛИКНИ РИВОЖЛАНТИРИШНИНГ ЙЎЛЛАРИ //BARQARORLIK VA YETAKCHI TADQIQOTLAR ONLAYN ILMIY JURNALI. – 2022. – Т. 2. – №. 10. – С. 9-12.